

舊歷戊辰年閏二月初五日

聶氏家言旬刊

民國十七年三月念六日

期七十五百一第

目錄

史玉涵先生放貸賑說

感應類鈔賑災果報四則

上海遼陽路聶宅發行

史玉涵先生放貸賑說

宜興史玉涵先生。康熙時人。講性理學。尤好談因果。著有感應類鈔。皆徵引史事。及名人論著。選擇既精。附評尤警。策透關。此篇即其書中所錄。出讀之。想見其濟人之心。切矣。予因魯災奇重。因著錄之。然北地情形。尤有異於江浙者。東南水鄉。如文中所記。災民尙得以蝦魚易米爲活。且雖仲冬。猶有野菜可覓。北方冰霜較久。亦無是也。又南方水道交通。穀米販運較易。亦爲北地所難。故讀此文者。懸想文中所述災情。則知今日山東慘狀。有數倍於此者。非欲以貸賑之法。救山東燃眉之災也。其杰附識。

玉涵子曰。康熙九年。吳越大水。吾宜爲甚。吾鄉名東村者。爲尤甚。予有田頃餘在焉。去冬偶過之。行其巷。寂無人聲。非鎖門而他出。則闔戶而就寢。余深訝焉。或告予曰。凡鎖門者。舉家行乞。他所闔戶者。絕粒而僵。臥不起耳。予大驚曰。然則不將死乎。曰。但未至是也。凡吾村之困守家居。而不遠行丐乞者。類皆以網罟作本。以蝦魚爲資。每得蝦魚一斤。可買米半

升。輒得一日活。數日來。雪大冰堅。無可施網。又今年巨浸。蘆葦亦淹沒無遺。雖欲採薪以沸水。亦不可得耳。春二月復過之。忽有言曰。昨有某者。三歲兒餓死矣。余駭甚。而問其狀曰。吾地邇來。惟割野菜馬蘭雜糞而食。雖得些少米。不敢以爲糜也。惟粉之而入於草湯中。可以得膩。藉以稍充飢腸耳。是家無撮糊入羹者。數日矣。兒幼不能草餐。母絕粒已久。豈復有乳。是以過死耳。予淚然。下不能收。思上年之水。凡麗吾地者。真極難矣。計予業田二百餘畝。得租不過十七石。有奇。因漕白緊急。盡數輸倉。所存欠數。謂當實產借貸以入矣。忽遇天恩。准以水災。蠲折。反領米四石九斗。有奇。以歸。豈不可譬之未嘗蠲折乎。此村立就危亡。吾家尙日三餐。又三日粥。輒欲一餐飯。見此光景。而私此四石九斗。有奇者。以獨豐。義不忍時。二月二十四日也。中夜以思。余持此米。將何爲而可乎。欲施以糞粥也。則余見糞粥之弊矣。環一二十里。而設一場開粥。一熟羣相。閤然。遠方飢民。在十數里外。扶老抱幼。衝風冒雨。顛蹶而至。則鍋已罄空。相向一慟。枵腹而歸耳。夫少

壯者得以自達矣。衰稊婦女何以自達乎。晴天暖日。不難早候矣。雪霜泥濘。豈能早候乎。况今春作方殷。農務正急。豈能舍一日之田功。往返十數里之遙。以就二三碗之薄粥乎。故愚謂不如計口分賑。領歸自煮之便也。出米以賑者。誠莫大之功。然人皆吝財。誰肯捨。有出無入。事實難行。雖有官府臨之急之。而嚴戒切責。勸之而禮貌溫文。終莫肯應也。即有十分好義者。吾知其出之亦有限矣。今使有人於此。與之米一升。明日即無以繼。有人借之米五升。至冬要還一斗二者。不可得兼。其人必甯借五升矣。蓋與而無繼。究必餓死。借重利之債。而可以得生。將來秋收一熟。奚難此一斗乎。故愚謂勸賑不加勸借之便也。然今日之借。不患利息重。而惟患不肯放。放債者。富人之所樂為。而在。今偏不肯為。巨萬家貲。錙以積。連廠積囤。羣視耽耽。一人肯借。十人豈得辭乎。一升可借。十升寧便已乎。歲荒民歎。借去尙肯還乎。擁粟借錢。如負重責。囂囂羣口。竟同敵讎。幸天下太平。眾皆明妬暗嫉。摩掌嫉視。雁行相持。而惡敢輕動也。一旦有變。彼堆千累萬者。負之將安往乎。然以今之勢。苟不力為斡旋。亦未必保能無變也。富人齒肥。貧無半粟。富家厭羅綺。貧者衣百結。尋常亦誘於命而安之矣。同是人耳。竟甘心獨槁餓以死哉。且不借者。將謂其必賴乎。灶冷烟空。朝不謀夕。藉此救命。奚忍負恩。計口而給。不過升斗。秋收一熟。等之錙銖。崔子曰。惠不在大。濟人之急。可也。濟人只在急時。凡衣食不缺之家。不過暫值荒歉耳。若肯竭力節省。豈無一石五斗贏餘。省得一石。出即

可救百人。三日之飢。省得五斗。出亦救百人。日半之飢。矣。吾米尚不滿五石。欲以出放。濟貧。豈不令人齒冷。此只要與吾輩作一榜樣。做一前驅耳。計熟矣。恨不即曝黎明。即起書片。紙曰。史八房有米五石。出放。其米作價。至冬償還。其息加二。凡本村極貧之家。論丁分借。此白時。余僕莊四在傍。余語之。故且備告。以作價加息。便宜事。莊四曰。僕幸邀主庇。積省得米一石。不須自食。亦可搭放。以濟人乎。余喜吾術之得行。而此法之果。可以行之。人人也。亟領之曰。是極善。遂續書其下。曰。下人莊四亦放一石。時值清明。余以執事祠祭。無暇過。彼而已有先余而告之者矣。相與踴躍稱快。晡後。余至。則益相與嘆息。致感余愈愧。報不自勝。因挾片紙。不敢出。忽一人大聲言曰。審若是我等窮人。今茲或有命乎。我等平日借貸於人。慣矣。雖加六加七。而未嘗一負也。乃今者過之。而俱謝無有也。無已。以倍稱貸之。而益謝無有也。翳其無有。咸以為今歲非放債之時也。今秋甯再大水乎。若其有收。奚至負此活命之債也。若其無收。吾將視其擁此陳陳者。而獨食矣。無非怕有富名耳。官人甯富者哉。余曰。眾等皆在。是此紙可以無貼矣。眾曰。豈官人是為要欲令通邑式也。竟實貼之。通衢。因請余出放之期。余曰。今米尙在城中。廿九。即月盡。其次月初一。乎。眾散去。獨有一人。尾余後。私請曰。官人能有米在此。間乎。余曰。前者因築圩。梗給發飯米。尙存數斗。又板渣。牙佃該找給數斗。今當還問我家人。周百福耳。其人曰。官人放米。前後等耳。余家七日。三日無粒米。下鍋矣。遊官人論丁分借法。

刊旬言家氏聶

人知余先歸俄而此人至余視剩米約有二斗許即以二斗與之其人向天連叩首曰官人積德如此皇天皇天你必速報余急扶之起謂曰我放米與爾又作價要利錢非捨爾也何至作如此狀乎其人曰如余等人今者孰肯借余一勺乎雖加十加廿亦萬感也余有一媳十九歲矣有娠因合門將餓死欲出脫一人兼可得衆人活媳請曰當此荒年身居貧賤廉恥之事固不足言獨恨婦有重身已五月矣將持此誰適乎只待相向同死耳今得官人米又再挨過去矣俄而又有一人至曰見彼尾官人後似有所私者吾家極慘之事且不及言尚有餘剩即惠余乎余盤量具及一斗急與之比余入城則前此四石九斗有奇者已爲內人買薪市鹽雜費用去二石矣急省飯米一石補入而尙少一石也且下鄉再圖之初一日衆等將來領米余先令人告曰不須皆來只二三入領去足矣俄而五人棹一破舟至內二人即前日之先支二斗一斗者外又同一人乃余舊佃余識之遙問曰爾非此村人也何以至是其人前致辭曰某實不住此村頃來飢腸欲絕聞官人放米特來相央耳余謂曰吾前許五石今不意自缺一石而無從措也甯尙有餘能及爾乎其人懇添彼一丁以與此村人均分五人者辭曰吾村已論戶照丁派定雖勺合曾不相假也吾等雖欲便爾真無由若官人此處能多出必與爾矣其人淚懸懸欲下歎息以視余命先將四石量訖喚周百福取前所收板渣圩米來至則帶陰元米六斗命

傾之盤中則熱氣蒸蒸欲爛矣蓋彼人見今歲米貴雖稍收亦屬貧艱故不覺掬水太重耳余曰今無奈只得湊爾去但無須利有二人者喜曰是竟與我吾視之亦甚甘而可以免息也餘少四斗則前已發過三斗矣止缺一斗余入內細檢得一上年藏米舊囤糴後尙有少剩也余悉取出見中有空蛙及草屑余命篩之併歸盤中在傍者咸笑曰是殆一斗有餘暗察前個面忽欣欣有喜色余命量清一斗再量得八升前個急前請曰是甯得不借我乎余曰是俾爾而前領過二斗者忽愀然曰吾此行人家所分不過數升耳今地下有狼籍及蛙屑空頭可以施余乎余急命盡掃以去彼四人者出一紙上細開三十二家共百七十六丁止分所借米共六石耳悲哉夫余之此法既詳且穩矣作價以償防秋熟而米或賤也加二起息以週年計之即加三也既可獲利又救人性命天下無此兩便事也吾輩要大修行積德舍却此等時再無此好機會也而繼余者尙鮮何也意皆實處於不足耳夫下人莊四甯有餘之家乎亦放一石無論一石卽一斗二斗皆可濟人苟其出之必有受其惠者若自己偶乏而轉借以放尤見至心吾輩遇此歲年錢糧賠累食指繁多自難尙有餘剩惟是平昔行誼苟足信人但一開口告貸代人生息人之與余不待卑辭而苦口也借來放去仍討來償還不過一擔當轉換間耳無損於己而大有濟於人何惜此點點面情幾許筋力任人展轉垂危而不一援手耶因義倉社倉之不能旦夕復而欲使出者不傷財受者立有濟愚謂此放貸法

之切實可行。可以人人行之。為甚便也。高玉立曰。無論社倉難復。似此隨地為社倉。隨時有社倉。不用收貯。又無侵盜。真前此未有之議。後此必傳之法。

附錄感應類鈔救濟類四則

黃汝楫。越人。宣和中方臘犯境。乃盡瘞其財。將逃避。聞賊掠得二千人。閉之空室。邀金帛贖之。否則殺黃。乃悉發所瘞。值二萬緡。輸之賊營。以贖其命。二千人皆得歸。詣黃謝。歎聲如雷。夜夢神人語之曰。汝活人多。五子登科。後其子開閣閣閣。閩俱登甲第。

玉涵先生原評云。真會該錢人。真會使錢人。不然。瘞定二萬緡不用。與一堆瓦礫何異。又焉知不遭人之發掘哉。甚有因而買禍者矣。即竟可以貽之子孫。而賢者則無所事。此愚者反益其花蕩。財有聚必有散。聚之愈久者。其散之必甚速。吾未見粟紅貫朽之家。曾有與其子孫歲衣日食。逐漸空乏而後貧困也。還望其散得不十分出醜。為佳耳。姚若候有云。人欲一日而行千百善。一人而救千百人。舍却此等時。無處着力矣。

伏澆為平原守。更始時。倉卒兵起。天下紛擾。歲又大歉。乃謂妻子曰。天下皆飢。奈何。獨飽乃共食粗糲。悉分俸祿。以贍鄉

里。後官至司徒。子孫世爵。

原評云。不必論分多少。只此一念。便堪侯封數世。全琮字子瑾。越人。父柔簡。默冲退。好積聚。使琮費米千餘。至吳市。易值。旱荒。琮皆以賑。飢貧空船而返。父責之。琮對曰。愚以所市非急。而吳民方有倒懸之難。故因便賑。給不及啓也。父深奇之。琮仕吳。封錢塘侯。

袁了凡曰。凡係世家。未有不由祖德深厚。而科第綿延者。予舊館於當湖陸氏。見其堂中掛一軸文字。乃其先世兩代出粟賑飢。而人贈之者。文中歷叙古先濟飢之人。子孫皆膺高位。謂他日陸氏必有顯者。今自東濱公以下三代。皆為九卿。其言若操左券云。

劉時舉。北魏鉅鹿人。值歲歉。因發廩出糶。價惟取人之半。嘗語人曰。凶歲之半價。即豐時之全價。雖少取之。而又何損。使不遇歉。將求贏乎。生子收節。官僕射。

紹興丁卯大飢。流民滿道。饒州富民段廿八。積谷數倉。閉不肯糶。一日方與家人評論物價低昂。問正幸。踴貴忽大雨晦。冥火光滿室。段遂為雷震死。倉所貯穀亦為雷火燒盡矣。

顏光衷曰。慣理錢穀者。便伏此根。段其甚者耳。杰按讀上兩則。宜自省。假令我有穀。值荒年。價騰漲。私心以為幸否。抑能僅取半價以濟人否。杰返躬自問。雖未必如段廿八之用心。若劉時舉之能見半價為已得豐時之全價。則

媿不如也。精明厚道之分。在此禍福感應之機。在此若到比等關頭。須澈底將良心審問。莫敷衍自恕含糊過去。